



Broj: 03/1-50-14-7-12- 9/15
Sarajevo, 8.12.2015.

PREDMET: Informacija o sastanku Sifeta Podžića, predsjedavajućeg Zajedničke komisije za odbranu i sigurnost BiH, i Boška Šiljegovića, parlamentarnog vojnog povjerenika BiH, s delegacijom parlamentarne komisije za Saveznu vojsku Republike Austrije, Sarajevo, 2.11.2015.

Predsjedavajući Zajedničke komisije za odbranu i sigurnost BiH Sifet Podžić i parlamentarni vojni povjerenik Boško Šiljegović sastali su se 2.11.2015. s delegacijom parlamentarne komisije za Saveznu vojsku Republike Austrije koju je predvodio predsjednik te komisije Otto Pendl.

Predsjedavajući Zajedničke komisije za odbranu i sigurnost BiH Sifet Podžić istaknuo je da postoji izuzetno korektna saradnja između Zajedničke komisije za odbranu i sigurnost BiH i Ureda parlamentarnog vojnog povjerenika BiH, te naglasio da ovaj ured svojim radom umnogome olakšava posao Zajedničkoj komisiji, kao obliku civilne kontrole, na polju zaštite ljudskih prava i osnovnih sloboda uniformiranih lica. Podžić je posebno naglasio značaj učešća Oružanih snaga Republike Austrije u okviru misije EUFOR-a Altea u našoj zemlji, te izrazio zahvalnost na svemu što su pripadnici austrijskog bataljona u okviru ove misije učinili na uspostavljanju trajnog mira u našoj zemlji.

Tokom sastanka Šiljegović je upoznao goste s rješenjima koja su u našoj zemlji uspostavljena 2009. godine donošenjem Zakona o parlamentarnom vojnom povjereniku BiH, čime je dodatno ojačan sistem zaštite ljudskih prava i osnovnih sloboda pripadnika Oružanih snaga Bosne i Hercegovine (OSBiH). Prema riječima Šiljegovića, najčešće oblasti u kojima je dolazilo do kršenja ljudskih prava odnosile su se na proces unapređenja u službi, na prevođenje iz jedne kategorije u drugu, na uslove života i rada profesionalnih vojnih lica, kao i na naknade koje nemaju karakter plaće. Šiljegović je naveo da se veliki dio angažmana Ureda parlamentarnog vojnog povjerenika provodi na terenu, tokom obilaska jedinica OSBiH i odvojenih razgovora koje neposredno ima s oficirima, podoficirima i vojnicima.

Razgovarano je i o angažiranju pripadnika Oružanih snaga Austrije na zaštiti graničnog pojasa i pomoći koju vojska može pružiti u rješavanju aktuelne migrantske krize. Također, razmijenjena su i iskustva o pitanjima učešća žena u oružanim snagama dvije zemlje, s posebnim naglaskom na zaštitu žena trudnica i porodilja.

Predsjedavajući Zajedničke komisije

Sifet Podžić

Dostavljeno:

- naslovu
- a/a